

BOSNA I HERCEGOVINA  
FEDERACIJA BOSNE I HERCEGOVINE  
TUZLANSKI KANTON  
OPĆINA BANOVIĆI  
OPĆINSKI NAČELNIK



БОСНА И ХЕРЦЕГОВИНА  
ФЕДЕРАЦИЈА БОСНЕ И  
ХЕРЦЕГОВИНЕ  
ТУЗЛАНСКИ КАНТОН  
ОПЋИНА БАНОВИЋИ  
ОПЋИНСКИ НАЧЕЛНИК

Adresa: Ul. Alije Dostovića br: 1. 75290 Banovići  
Tel: 00387 35 74 34 00, Fax: 00387 35 74 34 33, e-mail: opcina@banovici.gov.ba, Web: www.banovici.gov.ba

Broj: 01-05-2156/19-6  
Banovići, 03.02.2020. godine

Na osnovu člana 72. Stav 3. Zakona o javnim nabavkama („Službeni glasnik BiH“, broj: 39/14) i člana 42. Statuta Općine Banovići („Službeni glasnik Općine Banovići“, broj: 3/08), Općinski načelnik donosi

## ODLUKU o dodjeli ugovora drugorangiranom ponuđaču

### I

Ovom Odlukom se Ugovor o javnoj nabavci usluge u predmetu „**Izrada urbanističkog plana za urbano područje Banovići za period 2021-2038. godine**“, dodjeljuje drugoranginarom ponuđaču „**URBIS CENTAR**“ d.o.o. Banja Luka sa rang liste uspješnih ponuđača, čija ponuda je odmah nakon ponude prvorangiranog ponuđača sa cijenom ponude bez uračunatog PDV-a u iznosu od **16.500,00 KM**.

### II

Ova odluka stupa na snagu danom donošenja, a odabrani drugorangirani ponuđač će biti obavješten pismenim putem o prijedlogu ugovora u predmetnom postupku javne nabavke. Izabrani ponuđač dužan je **u roku do tri dana** od dana prijema ove odluke dostaviti na adresu ugovornog organa dokumentaciju iz člana 45. Zakona o javnim nabavkama.

### III

Ovom Odlukom stavlja se van snage Odluka o izboru najpovoljnijeg ponuđača broj: 01-05-2156/19-4 od 21.01.2020. godine za javnu nabavku usluge u predmetu „Izrada urbanističkog plana za urbano područje Banovići za period 2021-2038. godine“, koja je donesena od strane načelnika Općine Banovići.

## Obrazloženje

Postupak javne nabavke za pružanje usluge u predmetu „Izrada urbanističkog plana za urbano područje Banovići za period 2021-2038. godine“ pokrenut je Odlukom o pokretanju postupka javne nabavke usluge broj: 01-05-2156/19 od 24.12.2019. godine, koja je donesena od strane načelnika Općine Banovići.

Postupak nabavke je proveden konkurentskim zahtjevom za dostavljanje ponuda za koji je objavljeno obavještenje o nabavci na Portalu javnih nabavki broj: 1220-7-2-127-3-67/19 od 24.12.2019. godine.

Postupak javne nabavke provela je Komisija za javne nabavke imenovana Odlukom načelnika Općine Banovići broj: 01-05-59/19 od 22.01.2019. godine i broj: 01-05-823/19 od 24.05.2019. godine.

db

U toku postupka javne nabavke Komisija je zaprimila pristigle ponude, izvršila njihovo otvaranje te pregled i ocjenu ponuda prema zahtjevima i kriterijima iz tenderske dokumentacije. U postupku javne nabavke utvrđeno je sljedeće:

- da je ukupan broj pristiglih ponuda 3 (tri),
- da su pristigle ponude blagovremene i
- da su ponude ocijenjene prihvatljivima

Prema kriterijumu „najniža cijena“, rangirana su 3 (tri) ponuđača i to: INSTITUT ZA GRAĐEVINARSTVO „IG“ d.o.o. Banja Luka sa ukupnom cijenom od 13.500,00 KM, „URBIS CENTAR“ d.o.o. Banja Luka sa ukupnom cijenom od 16.500,00 KM i IPSA INSTITUT d.o.o. Sarajevo sa ukupnom cijenom od 32.960,00 KM.

Kao najpovoljniji ponuđač, izabran je INSTITUT ZA GRAĐEVINARSTVO „IG“ d.o.o. Banja Luka.

U skladu sa tenderskom dokumentacijom, izabrani ponuđač kojem bude dodijeljen ugovor, obavezan je u roku od 2 dana od dana prijema Odluke o izboru najpovoljnijeg ponuđača, dostaviti sljedeće dokumente:

- a) Uvjerenje nadležnog suda (Sud BiH i sud prema sjedištu ponuđača) kojim dokazuje da u krivičnom postupku nije izrečena pravosnažna presuda kojom je osuđen za krivično djelo učešća u kriminalnoj organizaciji, za korupciju, prevaru ili pranje novca;
- b) Uvjerenje nadležnog suda ili organa uprave kod kojeg je registriran ponuđač kojim se potvrđuje da nije pod stečajem niti je predmet stečajnog postupka, da nije predmet postupka likvidacije, odnosno da nije u postupku obustavljanja poslovne djelatnosti;
- c) Uvjerenja nadležnih institucija kojim se potvrđuje da je ponuđač izmirio dospjele obaveze, a koje se odnose na doprinose za penziona i invalidsko osiguranje i zdravstveno osiguranje i
- d) Uvjerenja nadležnih institucija da je ponuđač izmirio dospjele obaveze u vezi sa plaćanjem direktnih i indirektnih poreza.

Navedena dokumenta dostavljaju se kao originali ili ovjerene kopije originala. Datum izdavanja originala ne smije biti stariji od tri mjeseca od dana dostavljanja ponude.

Kao dokaz za ispunjavanje uslova, stavke pod c) i d), prihvata se i sporazum ponuđača sa nadležnim poreskim institucijama o reprogramiranom, odnosno odgođenom plaćanju obaveza ponuđača po osnovu poreza i doprinosa i indirektnih poreza, uz potvrdu poreskih organa da ponuđač u predviđenoj dinamici izmiruje svoje reprogramirane obaveze.

Obzirom da izabrani ponuđač, INSTITUT ZA GRAĐEVINARSTVO „IG“ d.o.o. Banja Luka, nije dostavio prethodno navedenu dokumentaciju u traženom roku, ugovorni organ je postupio u skladu sa članom 72. Stav 3. Tačka c) Zakona o javnim nabavkama i donio Odluku o dodjeli ugovora drugorangiranom ponuđaču „URBIS CENTAR“ d.o.o. Banja Luka.

#### **POUKA O PRAVNOM LIJEKU:**

Protiv ove odluke dopušten je prigovor u roku do 10 dana od dana prijema odluke. Žalba se dostavlja u tri istovjetna primjerka u pisanoj formi direktno ili preporučenom poštanskom pošiljkom na adresu Općina Banovići, ulica Alije Dostovića br. 1, 75290 Banovići.

#### **Dostaviti:**

- 1x Ponuđaču,
- 1x u spis i
- 1x a/a.

**OPĆINSKI NAČELNIK:**

  
\_\_\_\_\_  
**Midhat Husić**